

Vijeće MZ Bokavići

03.06.2025 godine


SAOPŠTENJE ZA JAVNOST

Na osnovu dogovora svih vijećnika na sjednici gradskog vijeća Lukavac koja je održana 29. maja ove godine zaključeno je da gradska uprava i oni koji učestvuju u realizaciji projekta vodosnadbijevanja grada Lukavac obave dodatne razgovore i javnu raspravu sa predstavnicima vijeća i samim građanima MZ Bokavići. Javna rasprava koja je zakazana u Lukavačkom centru za kulturu bez konsultacija sa vijećem MZ nije održana, ali jeste sastanak na poziv gradonačelnika grada Lukavac sa delegacijom vijeća MZ Bokavići.

Na sastanku smo ponovili naše već ranije jasno izrečene stavove. Proglašavanje javnim interesom tri bušotine na području MZ Bokavići bi dovelo do trajnih posljedica po stanovništvo naše MZ. Sve će to dovesti do drastičnog pada nivoa podzemnih voda, što bi dovelo do presušivanja 300 individualnih bunara i izvorišta, a alternativni način snadbijevanja pitkom vodom Bokavića ne postoji. Bit će ugrožen mjesni potok Rakovac odnosno doći će do problema odvodnje fekalnih voda a što bi izazvalo ekološku katastrofu. Pored svega toga i zaštitne zone izvorišta će dodatno sa zabranama i ograničenjima paralisati život mještana Bokavića.

Na pomenutom sastanku smo dakle iznijeli svoje argumente, prezentovali potpisanu peticiju od strane 1030 mještana Bokavića i zatražili promjenu stava gradske uprave. Međutim, doživjeli smo teške i ozbiljne optužbe da smo kočničari razvoja grada Lukavac, da sprečavamo rješavanje problema vodosnadbijevanja grada. Svojim izlaganjima gradonačelnik i predsjednik GV Lukavac su pokušali stvoriti osjećaj krivice i odgovornosti Mještana Bokavića za neuspjeh ovog projekta. Oštro odbacujemo sve insinuacije kojima se stvara animozitet i netrpeljivost između građana Lukavca i nas stanovnika Bokavića.

I dalje izražavamo svoju spremnost za razgovore, apsolutno i nedvosmisleno podržavamo rješavanje problema vodosnadbijevanja grada Lukavac kroz izgradnju fabrike vode na prostoru MZ Bokavići, koja bi prerađivala vodu iz jezera Modrac, plitkih bunara te Toplica. Očekujemo od vijećnika u GV Lukavac donošenje odluke koja neće nanijeti štetu stanovništvu Bokavića. Svaku drugu podršku osim one koja znači odbacivanje prijedloga za eksproprijaciju bušotina u MZ Bokavići smatrat ćemo atakom na ljudska prava i slobode te životnu egzistenciju stanovnika Bokavića.

Predsjednik VMZ Bokavić

Sead Hodžić

